

GOSPEL LAEF PROGRAM

A Pidgin translation from the Original English Version by



Pidgin Version Produced by
Jeremiah Lloyd Dauara
Copyright 2022





GOSPEL LAEF

TRENING PROGRAM

GAED FO LIDA - V.2.0

Disfala program hemi fo hu ya?

Disfala program hemi givim samfala mein kristin bilif an principols fo olketa pipol wea folom Jisas Kraes.

Disfala Gospel Laef Program hemi iusim Olketa tising long Niu Testamen fo helpem pipol lane abaotim laef an tisings blong Jisas Kraes.

Disfala program hemi fo eniwan an evriwan an fo evri difren ples, kalsa an pipol. Hemi gud fo tisim long olketa niu kristin wea baptaes niu an olketa wea no baptaes iet tu.

Disfala program hemi gud fo man o woman seleva, oketa smol Baebol stadi grups o olketa bikfala sios grups tu. Bikos lo stael blong disfala program, evri man o woman wea duim disfala stadi save ridim disfala stadi program an raetim daon eni niu samting olketa lanem long disfala stadi program.

Wat nao yu nidim fo yu save iusim disfala program?

Disfala program hemi min fo olketa man an woman wea no save rit or raet gut bat olketa save ridim pidgin.

Disfala program hemi nidim wanfala matsua kristin wea hemi save gut long Baebol fo lidim stadi ya. Disfala lida mas redim samfala kwesten fo askem olketa man an woman wea duim disfala stadi. Lida ya mas redim samfala stori tu fo helpem olketa man an woman wea duim stadi ya fo olkeat save gud moa long olketa lesson insait long disfala stadi.

Disfala program hemi garem olketa piksa fo helpem olketa man an woman wea no save rid gut tu.

Hao nao fo iusim disfala program?

Disfala program hemi no nidim eni risos moa an iu save iusim stadi ya seleva noma.

Olketa disaenim stadi ya long wei wea lida save addim moa samfala tingting long olketa eirias wea hemi nidim ekstra infomeison. Lida save ridim tu olketa nara Baebol ves wea hem save sapotim olketa ves wea stap finish insaed long disfala stadi program.

Olketa difren sios and ministri save addim samfala tising o isiu blong kalsa wea hemi gud fo save moa abaotim insaed long disfala stadi program.

Disfala program hemi nidim wanfala lida fo mas lidim stadi an olketa discason blong grup. Lida nao bae save disaed long aotlaen and wei fo duim stadi ya.

Samfala aedia fo ranem disfala program hem olsem:

1. Lida welkamum olketa pipol
2. Lida givim aot stadi lesion fo olketa pipol
3. Lida bae introdusim topic fo disfala lesion
4. Lida fo askem samfala kwesten an lisin fo olketa pipol fo givim ansa
5. Lida save talem eni stori o expirens blong hem wea hem semsem olsem disfala lesion
6. Lida askem olketa kwesten an ridim olketa Baebol ves wea olketa lisitim daon fo disfala lesion. Samfala gudfala koment olketa reatim saed long olketa Baebol ves. Lida mas diskasim wan wan Baebol verse wetim olketa pipol fo meksua pipol save gud long wat nao olketa tok abaotim. Lida save talemaot olketa niu tising an tingting wea hemi gud fo stadi program an hemi also gud fo kalsa blong pipol
7. Long eni taem noma, lida save som tu olketa piksa lo baeksaeblong wanwan lesion pepa wea hemi som disfala stadi.
8. Lida mas alaom pipol fo prea fo wan anada prea long taem wea stai hem finis

1. Hu nao Jisas?

Stat kam long stat blong evrisamting. Toktok hemi stap finis nao. Hemi stap tugeta wetem God an hemi barava God tu. Long stat blong evrisamting, Toktok hemi stap wetem God finis. An long hem nao God hemi mekem evrisamting. So evrisamting wea hemi stap long wol ya, Toktok nao hemi mekem. Tru laef hemi stat kam long hem. An disfala tru laef ya hemi olsem laet wea hemi saen go long olketa pipol.

Nao Toktok ya hemi kamap man an hemi barava somaot klia dat God hemi kaen tumas. Hemisomaot klia evri tru samting abaoatem God. Hemibin stap wetem mifala an mifala bin lukim saen blong bikfala paoa blong hem. Bikfala paoa wea hemi tekem finis bikos hem seleva nomoa hemi San Blong God. **John 1:1-4, 14.**

Jisas hemi trufala God wea hemi lavem yumi tumas. Olsem nao hemi kam daon long disfala graon fo stap wetem yumi and stap midol evri man olsem nara man noma tu.

2. Wat nao Jisas hemi mekem finis?

Taem olketa putum Jon Baptae long prisin finis, Jisas hemi go long Galili nao an hemi go-gohed fo talemaot Gudnius blong God. Hemisei olsem, “Barava taem blong God hemi kamtru nao! Kingdom blong God, hemi kolsap kam nao! Yufala mas lusim ravis wei blong yufala, an biliv nomoa long Gudnius!” **Mark 1:14-15**

Jisas hemi setemap Kingdom blong hem long disfala graon finis.

3. Hao nao Jisas mekem disfala samting fo hapen?

Olketa pikinini ya, olketa garem bodi olsem evri pipol nomoa. Dastawe nao, taem Jisas hemi bon kam long wol ya, hem tu hemi garem bodi olsem barava man. Hemikamap man bikos man nomoa save dae. An long dae blong hem nomoa, hemi mekem wei fo winim paoa blong Seitan, hu hemi garem paoa fo kilim pipol dae. Hemimekem fri olketa pipol hu i no save stap fri long laef blong olketa bifoa, bikos olketa fraet fo dae. **Hebrews 2:14-15**

Jisas hemi setemap Kingdom blong hem long disfala graon taem hemi winim Seitan taem hemi dae long kros an hemi laefbaek moa.

4. Hao nao yumi save kamap olsem members long kingdom blong Jisas?

Nao olketa fren, mi wande fo talem yufala moa abaoatem disfala Gudnius wea mi bin talemaot long yufala finis. Yufala nao i bin hapi fo tekem diswan, an biliv blong yufala hemi stanap strong long hem. An from disfala Gudnius ya bae God hemi sevem yufala. Hem nao sapos yufala holestrong long disfala toktok wea mi talemaot long yufala, an yufala no biliv nating.



Olketa nambawan toktok wea mi tekem fastaem, hem nao mi talemaot long yufala finis. Hemi olsem. Kraes hemi dae fo aotem olketa sin blong yumi, olsem Buktambu hemi talem. An olketa berem hem, an God hemi mekem hem fo laefbaek moa long mektri de, olsem Buktambu hemi talem. **1 Corinthians 15:1-4**

Yumi save kamap pat long kingdom blong Jisas taem yumi bilivim dat Jisas hemi dae fo yumi, an hemi laefbaek from dae so dat yumi save garem trufala laef.

5. Wat nao mesej blong Jisas?

So mifala nao man fo talemaot toktok blong Kraes, an hemi olsem God seleva nao hemi yusim mifala fo kolem olketa pipol. Mifala talemaot toktok blong Kraes an ask strong long yufala olsem, “Yufala mas letem God fo mekem yufala save kambaek an frengud wetem hem moa!” Kraes hemi no garem eni sin. Bat fo helpem yumi, God hemi mekem Kraes nao fo karim sin blong yumi. Long wei ya nao, hemi mekem yumi hu i stap joen wetem Kraes fo kamap stret olsem God. **2 Corinthians 5:20-21**

Mesej blong Jisas tude nao hemi Gud Nius. Disfala Gud Nius hemi colaat long evriwan fo kam insaet long kingdom blong God taem yumi akseptem fri gif blong salveison wea yumi no waka fo hem, o garem bik nem fo yumi save tekem, o garem laef wea hem barava stret tumas. Disfala Gud Nius nao hemi barava impoten mesej fo disfala wol. Hem waka blong yumi evri wakaman an wakamere blong Kraes fo yumi talemaot disfala Gud Nius go long olketa nara man an woman.



1. God hem olsem wanem, an hao nao bae yumi save long hem?

An Jisas hemi sei moa, "Dadi blong mi nao hemi putum evrisamting long han blong mi. An Dadi nao hemi save long San blong hem, bat no eniwan moa hemi save long San ya. An San blong hem hemi save long Dadi, bat no eniwan moa hemi save long Dadi ya. Bat olketa wea San blong hem hemi laek fo somaot Dadi long olketa, olketa nomoa save long hem. *Matthew 11:27*

Bae yumi save lukim God tru long Jisas Kraes. Jisas hemi som hu nao God fo yumi insaet long olketa tising blong hem, an insaet laef blong Hem, dae blong Hem, an laefbaek blong Hem. Olketa weis wea Jisas hemi som hu nao God olketa i stap insaet long Baebol.

2. Wat nao olketa gudfala wei blong God?

Yawe hemi laekem olketa wei wea i stret fogud.
Dastawe lav blong hem hemi kasem evri ples long wol ya. *Psalm 33:5*

Olketa gudfala wei blong God nao olketa stretfala wei an Lav. God hemi garem paoa, hemi stap evriwea, hemi lukim an save evrisamting, an hemi stap laef olowe. Trifala man nao disfala wan tru God ya. God Dadi, God San, an God Holi Spirit.

3. Wae nao trufala God hemi gud winim olketa narafala laea gods?

Bat eniwan hu hemi no lavem olketa nara pipol, hemi nating save long God, bikos disfala lav nao hemi stat kam long God. *1 John 4:8*

Yahweh noma onli trufala God. Olketa nara god olketa laea wans nomoa. Trufala God ya hemi garem lav an Hemi som lav blong Hem fo yumi dastawe Hemi sakrisfaesim Hem seleva fo yumi mekem yumi save sev.

4. Hao bik nao kingdom blong God?


Bikos long han blong Kraes nao, God hemi mekem evrisamting long heven an long wol. Hemi mekem evrisamting wea yumi save lukim an evrisamting wea yumi no save lukim, olsem olketa enjel an evri narakaen samting moa wea olketa garem paoa. Long Kraes nao God hemi mekem evrisamting long wol ya, an evrisamting ya hemi blong Kraes nomoa. Kraes hemi stap fastaem long evrisamting, an hem nao hemi gohed fo mekem evrisamting stap joen gud tugeta. *Colossians 1:16-17*

Kingdom blong God hemi barava bik tumas and hemi winim tu disfala wol wea yumi stap insaet long hem.

5. Wat nao olketa gudfala wei wea talem iumi abaot Kingdom blong God?

Bat olketa gudfala wei blong Holi Spirit nao hemi mekem man fo lavem evriwan, an fo barava hapi, an fo garem piis, an fo stap wilng fo weit nomoa, an fo kaen long pipol, an fo somaot gudfala wei, an fo kipim promis olowe, an fo no raf, an fo stopem wanem bodi blong hem seleva nomoa hemi laekem. No eni toktok long Lo hemi agensim olketa samting olsem ya. *Galatians 5:22-23*

Kingdom blong God hemi barava gud tumas. Onli olketa samting wea hemi gud an stret nomoa save go insaet long disfala kingdom. Hem ya nao olketa gudfala wei wea somaot kingdom blong God.



1. Wol ya hemi olsem wanem long barava stat blong hem?

God hemi lukim evri samting wea hemi mekem and olketa barava gud tumas.

Genesis 1:31

Taem God hemi wakem disfala wol,
hemi pat long kingdom blong Hem.
Evriwan stap long lav an piis wetem
evri narawan an wetem God tu.

2. Wat nao happen?

Sin hemi kam insaet long wol falom rong blong wanfala man nomoa, an sin nao hemi mekem hem dae. An long sem wei nao, evri pipol mas dae bikos evriwan sin finis. Sin hemi stap finis long wol bifoia God hemi givim Lo long Mosis. Bat God hemi no tingim olketa sin taem no eni Lo hemi stap yet. Bat stat kam long taem blong Adam go kasem taem blong Mosis, evri pipol mas dae, nomata olketa no duim rong samting olsem Adam hu hemi no obeim toktok blong God.

Adam hemi olsem piksa blong disfala man Kraes, hu hemi kam bihaen long hem.

Romans 5:12-14

Jisas hemi wakem kingdom blong
Hem long disfala graon.

3. Hao nao Jisas hemi duim disfala samting fo hapen?

Olketa pikinini ya, olketa garem bodi olsem evri pipol nomoa. Dastawe nao, taem Jisas hemi bon kam long wol ya, hem tu hemi garem bodi olsem barava man. Hem i kamap man bikos man nomoa save dae. An long dae blong hem nomoa, hemi mekem wei fo winim paoa blong Seitan, hu hemi garem paoa fo kilim pipol dae. Hem i mekem fri olketa pipol hu i no save stap fri long laef blong olketa bifoia, bikos olketa fraet fo dae.

Hebrews 2:14-15

Jisas hemi duim diswan long taem
wea hemi winim Saetan tru long dae
an laefbaek blong Hem.

4. Hao nao bae yumi save kamap pat long kingdom blong Jisas?

Nao olketa fren, mi wande fo talem yufala moa abaotem disfala Gudnius wea mi bin talemaot long yufala finis. Yufala nao i bin hapi fo tekem diswan, an biliv blong yufala hemi stanap strong long hem. An from disfala Gudnius ya bae God hemi sevem yufala. Hem nao sapos yufala holestrong long disfala toktok wea mi talemaot long yufala, an yufala no biliv nating.



Olketa nambawan toktok wea mi tekem fastaem, hem nao mi talemaot long yufala finis. Hem i olsem. Kraes hemi dae fo aotem olketa sin blong yumi, olsem Buktambu hemi talem. An olketa berem hem, an God hemi mekem hem fo laefbaek moa long mektri de, olsem Buktambu hemi talem. *1 Corinthians 15:1-4*

Yumi save pat long kingdom blong
Jisas sapos yumi bilivim dat Jisas
hemi dae long ples blong yumi, an
laefbaek from dae mekem yumi save
garem tru laef.

5. Wat nao mesej blong Jisas?

So misala nao man fo talemaot toktok blong Kraes, an hemi olsem God seleva nao hemi yusim misala fo kolem olketa pipol. Misala talemaot toktok blong Kraes an ask strong long yufala olsem, “!Yufala mas letem God fo mekem yufala save kambaek an frengud wetem hem moa!” Kraes hemi no garem eni sin. Bat fo helpem yumi, God hemi mekem Kraes nao fo karim sin blong yumi. Long wei ya nao, hemi mekem yumi hu i stap joen wetem Kraes fo kamap stret olsem God. *2 Corinthians 5:20-21*

Mesej blong Jisas nao olketa kolem long Gospel.
Disfala gospel hemi invaetim evriwan fo kam
insaet kingdom blong Jisas taem wea yumi ak-
septim fri gif long Salveison - hemi samting wea
yumi no waka fo hem, o iumi tekem bikos yumi
gutfala man or woman. Diswan nao hemi mesej
fo disfala wol. An diswan hemi waka blong
evriwan wea folom Jisas Kraes fo go aot and
talemaot long evri narafala man o woman.



1. Wat nao onli wei fo kasem Salveisin?

Jisas nomoa hemi save sevem yumi. Bikos God hemi no givim kam eni narawan moa long wol, wea hemi save sevem yumi. **Acts 4:12**

Diswan nao olketa rong tingting abaotim Salveison: taem yu duim gudfala waka for salveison, o yu garem gudfala save nomoa abaotim salveison, o yu go long sios nomoa, o bikos yu save helpem olketa wakan man o woman lo sios nomoa, o yu givim ofring blong yu evri Sande long sios nomoa.

2. Wat nao onli wei wea yumi save sev?

Nao tufala sei, "Yu mas biliv long Jisas Masta blong yumi, mekem God bae hemi sevem yu an olketa long famili blong yu tu. **Acts 16:31**

Fo yumi fo sev, yumi mas biliv long Jisas an yumi mas putim trast blong yumi long Hem seleva nomoa.

3. Waswe, mi nidim fo mi sev?

Bikos evriwan olketa stap long wei blong sin, an stap farawe long God hu hemi garem paoa fo givim niu laef. **Romans 3:23**

Yumi evriwan garem sin an yumi no fitim for kasim gudfala mark wea God laekem fo yumi mas kasim.

4. Wae nao iumi mas biliv long Jisas Kraes?

God hemi lavem olketa pipol long disfala wol tumas, dastawe nao hemi givim kam San blong hem wea hemi wanfala nomoa, mekem eniwan hu hemi biliv long hem bae hemi no save dae bat bae hemi garem tru laef wea hemi no save finis. **John 3:16**

Yumi sud biliv long Jisas Kraes bikos Hemi wanfala barava gudfala sakrisfaes fo olketa sin blong yumi. Hem stap long barava gudfala laef, hemi dae fo peim penolti fo olketa sin blong yumi, an den Hemi winim dae taem hemi laef baek blong from grev.

5. Wat nao bae hapen sapos iumi biliv long Jisas Kraes?

Bat sapos yumi talemaot olketa sin blong yumi long God, bae hemi duim wanem hemi promisim an wanem hemi stret. Bae hemi fogivim yumi an bae hemi mekem yumi barava klin from evri sin blong yumi. **1 John 1:9**

Taem yumi biliv long Jisas Kraes, bae Hemi fogivim olketa sin blong yumi an bae hemi givim gudfala laef blong hem fo yumi nao.

6. Hao, eniting save separitim iumi from Jisas sapos yumi biliv long hem?

?Watkaen samting nao i save tekem yumi aot from lav blong Kraes? ?Sapos yumi kasem trabol o hadtaem, o sapos olketa pipol mekem yumi safra, o sapos yumi hanggre tumas o yumi no garem eni kaleko, o sapos olketa laek fo spoelem yumi o kilim yumi dae, waswe, bae olketa samting i save tekem yumi aot from lav blong Kraes? !Nomoa nao!

No eniting bae save separitim yumi from Jisas taem yumi biliv strong an folom hem.

Mi bilivim tumas dat no enisamting save tekem yumi aot from lav blong God. Nomata yumi laef o yumi dae, nomata enisamting olsem olketa enjel o olketa nara paoa moa, nomata samting wea i stap distaem o bae hemi kamap bihaen, 39nomata eni paoa hae antap o eni paoa dip insaet long graon, ya nomata enisamting moa long evrisamting wea God hemi bin mekem, no enisamting nao i save tekem yumi aot from lav blong God. Disfala lav nao, Jisas Kraes Masta blong yumi hemi somaot long yumi finis. **Romans 8:35, 38-39**

7. Hao nao laef blong yu senis taem yu biliv long Jisas?


An disfala Holi Spirit ya nomoa hemi bin baptaesim yumi evriwan fo kamap olsem wanfala bodi nomoa, nomata yumi Jiu o yumi no Jiu, nomata yumi slev o yumi no slev. An God hemi givim yumi evriwan disfala Holi Spirit ya nomoa, mekem yumi save kamap strong long hem. *1 Corinthians 12:13*

Bae holi spirit hemi kam insaet long laef blong yu, an bae hemi strongem yu mekem yu save duim wanem God hemi laekem fo yu duim.

8. Hao nao gudfala waka hem konekt wetim salveisin?

Bikos taem yufala biliw, kaenfala lav blong God nao hemi sevem yufala. Diswan hemi no hapen bikos eniwan long yufala hemi duim gudfala waka fo hem. Nomoa ya. God seleva nomoa hemi duim fri fo sevem yufala, mekem no eniwan hemi save tokpraod long hem. God nao hemi sevem yumi olsem, an bikos yumi stap joen wetem Jisas Kraes, hemi mekem yumi fo duim evri gudfala waka wea hemi mekredi long hem finis. *Ephesians 2:8-10*

Yumi no sev tru long gudfala waka wea yumi duim. Yumi garem salveison taem yumi biliv long Jisas seleva nomoa. Yumi duim gudfala waka fo Jisas noma bikos yumi hapi dat hem sevim yumi.



1. Hu nao bae save risivim oketa gif blong spirit?

Bikos taem yufala biliv, kaenfala lav blong God nao hemi sevem yufala. Diswan hemi no hapen bikos eniwan long yufala hemi duim gudfala waka fo hem. Nomoa ya. God seleva nomoa hemi duim fri fo sevem yufala, mekem no eniwan hemi save tokpraod long hem. God nao hemi sevem yumi olsem, an bikos yumi stap joen wetem Jisas Kraes, hemi mekem yumi fo duim evri gudfala waka wea hemi mekredi long hem finis.

Ephesians 2:8-10

Evriwan wea biliv lo Jisas, God hemi givim olketa wanfala o tufala gif blong spirit.

2. Wat nao samfala eksampol long olketa gif blong spirit?

Long samfala pipol disfala Holi Spirit ya hemi givim paoa fo biliv strong tumas, an long samfala pipol moa hemi givim paoa fo mekem olketa sikman fo gudbaek, 10an long samfala pipol moa hemi givim paoa fo mekem olketa mirakol. Long samfala pipol Holi Spirit hemi givim paoa fo talemaot eni mesij blong God, an long samfala pipol moa hemi givim paoa fo luksave long olketa deferen kaen paoa, sapos olketa blong God o nomoa. Long samfala pipol Holi Spirit hemi givim paoa fo toktok long olketa spesol kaen langguis ya, an long samfala pipol moa hemi givim paoa fo talemaot mining blong olketa kaen langguis olsem. *1 Corinthians 12:9-10*

Jisas hemi givim yumi samfala gif an talent fo helpem yumi for searem nius abaotim kingdom blong hem an long semtaem yumi stap olsem olketa wakaman blo hem long disfala wol. Samfala gif olketa bin stap finis long yu and samfala gif olketa niu wans wea God hemi jes givim noma.

3. Watkaen gif blong spirit nao fitim fo iumi luk ap an tok hae long hem?

Bat olketa haf wea yumi no filsem long olketa, olketa no nidim eni kaleko. God seleva nao hemi mekem evrisamting long bodi fo stapgud tugeta long wei wea hemi mekhae long olketa smolfala haf. So long wei ya, olketa deferen kaen haf olketa no save divaed olobaot, bat olketa evriwan i save tingim olketa narawan. *1 Corinthians 12:24-25*

Evri gif blong spirit olketa semsem nomoa and yumi mas presim evriwan noma.

4. Wat nao barava waka blong olketa gif blong spirit?

Hemi duim olsem fo mekem evri pipol blong God olketa fit fo duim gudfala waka blong hem, mekem olketa helpem bodi blong Kraes fo grouap. 13 Long wei ya nao, bae yumi evriwan i kamap wanfala nomoa long biliv blong yumi an long save blong yumi abao-tem San blong God. An bae yumi grouap moa an kamap olsem Kraes wea hemi barava gudfala finis. *Ephesians 4:12-13*

Gif blong spirit hemi fo yumi iusim insaed long sios, an hemi fo biuldimap olketa man an woman insaed long sios. Long disfala kaen wei ya, mesej abaotim kingdom blong Jisas bae save kasem everiwan.

5. Hao nao yumi save iusim rong long olketa gif blong spirit?

Nomata mi save talemaot eni mesij blong God, an nomata mi save long evrisamting wea hemi staphaed an mi garem evri save moa, an nomata mi garem strongfala biliv fo muvum olketa maonten, bat sapos mi no lavem olketa pipol, mi samting nating no-moa ya. *1 Corinthians 13:2*

Yumi save iusim rong long olketa gif blong spirit taem yumi no iusim fo prijim gospel an bildimap sios blong God. Yumi save iusim rong long olketa gif blong spirit taem iumi iusim fo mekem pipol lukap and lukhae long yumi seleva noma winim nao Jisas an gospel blong Hem. Yumi save iusim rong tu taem iumi iusim bat no som lav noma.

6. Hao, iumi save akseptim noma evri gif blong spirit wea soaot an iumi lukim wetim ae?

Olketa Farasi olketa herem dat Jisas hemi go-gohed fo mekem plande pipol fo kam falom hem winim Jon Baptae, an hemi go-gohed fo baptaesim olketa. *John 4:1*

Yumi mas iusim wod blong God for testim evri spirit an evri gif blong spirit wea yumi save lukim wetim aes blong yumi.



1. Hao nao yumi rileit long olketa nara kristin taem yumi sev finis?

Long sem wei tu, nomata yumi plande pipol, yumi olsem wanfala bodi nomoa wea yumi evriwan joen wetem Kraes. Long wei ya nao, evriwan long yumi joen wetem olketa narawan long disfala wanfala bodi. **Romans 12:5**

Taem Jisas hemi sevem yumi Hemikolem yumi insaet long komiuniti blong Hem wetem olketa narafala kristin biliva.

2. Wae nao hem impoten fo yumi mas tekpat insaet long Sios?

Yumi mas no les fo hipap tugeta fo prea oltaem, nomata samfala pipol olketa les finis. Yumi mas gohed fo helpem yumi evriwan fo stanap strong go moa, bikos disfala De blong Masta ya, hemi kam kolsap nao. **Hebrews 10:25**

Olketa pipol blong God mas en-karegin evri narawan, mekem gospel abaotim kingdom blong God save goao evriwea insaet long wol.

3. Watkaen Sios nao truwani?

Jisas hemi ansarem hem olsem, "Sapos eniwan hemi lavem mi, bae hemi obeim toktok blong mi ya. An Dadi blong mi bae hemi lavem hem, an bae mitufala kam an stap wetem hem. **John 14:23**

Trufala Sios nao olketa pipol evriwea long wol wea olketa biliv an lavem Jisas an gud nius blong Hem.

4. Watkaen kristin praktis o wei nao yumi sud duim?

So yufala mas go an mekem pipol long evri kantri long wol fo kamap disaepol blong mi. Yufala mas baptaesim olketa long nem blong Dadi an long nem blong San an long nem blong Holi Spirit. **Matthew 28:19**

Jisas hemi livim tufala kristin praktis o wei fo yumi folom: baptism an Holi Komiunion. Olketa praktis oe wei ya no save sevem yu; bat hemi olketa simbol fo helpem feit blong yumi fo kamap strong. Taem iumi duim olketa praktis ya hem som dat yumi biliv long Gospel blong Jisas.

Nao hemi holem wanfala bred an hemi talem tengkiu long God fo hem. Hemi brekem bred ya an hemi givim go long olketa, an hemi sei, "Diswan ya hemi bodi blong mi wea mi givim fo sevem yufala. Yufala mas kaikaim diswan, mekem yufala save go-gohed fo tingim mi." 20 Long sem wei tu, long taem olketa kaikai finis, hemi holem moa wanfala kap long waen an hemi tok olsem, "Disfala kap ya hemi niufala spesol agrimen blong God, wea mi mekem hem fo kamtru wetem blad blong mi wea hemi ranaot fo sevem yufala. **Luke 22:19-20**

5. Hao, sios hem no garem eni rong o mistek?

Yufala man hu i marit, yufala mas lavem olketa waef blong yufala barava olsem Kraes hemi lavem sios. Dastawe hemi letem hem seleva fo dae fo sios, 26 mekem sios hemi kamap holi. Hemi bin mekem sios fo kamap klin long taem hemi wasim long wata an hemi talemaot toktok blong hem. 27 Bikos taem Kraes hemi tekem sios fo kam long hem seleva, hemi laekem sios fo barava luknaes tumas wea hemi no garem enisamtong rong long hem bat hemi stret fogud. **Ephesians 5:25-27**

Sios hemi no save stret olowe tumas an hemi save garem rong an mistek tu. Jisas bae mekem sios blong hem fo barava stret nao long sekon kambaek blong hem. Sios tude hemi garem olketa man an woman wea save mekem misteks an rong nomoa wea olketa tu kam long Jisas fo sevem olketa. An olketa tu laek fo sevem Jisas an kingdom blong hem.

6. Wat nao barava mein waka blong sios?

Nomata mi lou winim evri pipol blong God, God hemi kaen tumas an hemi givim mi disfala waka. Hemi sendem mi go long olketa hu i no Jiu, fo talemaot Gudnius abaotem olketa gudfala samting blong Kraes wea tingting blong yumi no save kasem. 9An hemi sendem mi go fo helpem evriwan fo save abaotem disfala plan blong God wea hemi bin staphaed. God hu hemi mekem evrisamting, hemi bin mekem disfala plan fo staphaed olowe nomoa kam kasem distaem. *Ephesians 3:8-10*

Mein waka blong sios nao hemi fo talemaot gospel mesej blong Jisas long evriwea long wol.

7. Hao nao olketa kristin bae save sapotim sios?

Yufala save finis long kaenfala lav blong Masta blong yumi Jisas Kraes. Nomata hemi ris tumas, hemi mekem hem seleva fo kamap pua fo helpem yufala. Hemi stap olsem pua man long wol, mekem yufala kamap ris. *2 Corinthians 8:9*

Yumi sud sapotim Sios wetem olketa gif blong yumi, taem blong yumi, enegi o strong blong yumi, an selen blong yumi. Yumi mas sapotim Sios wetem evri samting wea yumi garem bikos yumi luksave dat evri samting yumi garem hem blong Jisas, an Jisas siusim Sios fo duim waka blong Hem long disfala graon.



1. Hem oraet fo olketa kristin fo stap kolsap o releit wetin olketa wea no kristin?

Bat olketa Farasi wea samfala long olketa i tisa blong Lo, olketa kros an olketa tok olsem long olketa disaepol blong Jisas, "Waswe nao yufala kaikai an dring wetem olketa man fo tekem taks ya an wetem olketa nara ravis pipol ya moa?" 31Nao Jisas hemi tok olsem long olketa, "Yufala save, pipol wea olketa i no sik, olketa no wande fo lukim dokta. Bat pipol wea olketa sik nao olketa wande fo lukim dokta. *Luke 5:30-31*

Olketa krisitin sud lukaotim evri wei fo mekem gudfala fren wetim olketa wea ino kristin olsem Jisas hemi som fo iumi. Eniwea olketa kristins stap lo hem, olketa mas som olketa gudfala weis abaatim gospel an kingdom blong Jisas Kraes.

2. Hao nao olketa kristins save help fo mekem piis long disfala wol?

Bikos kaikai an dring, hemi no blong kingdom blong God. Bat olketa samting wea Holi Spirit hemi duim, hem nao blong disfala laef ya. Olsem, Holi Spirit hemi helpem yumi fo duim wanem hemi stret long ae blong God an fo stap long piis an fo hapi. 18Eniwan hu hemi waka fo Kraes long wei olsem, bae God hemi hapi long hem an olketa pipol tu bae hapi long hem. *Romans 14:17-18*

God kolem evriwan wea folom hem fo mas kamap piis mekas long evriwei long laef nao. Diswan hem minim Kristins mas kamap piis mekas long olketa rileisonship blong marit, insait long familis, wetim olketa gudfala frens, insait long waka ples, insait long vilij, taon an kantri blong yumi too.

3. Hao nao fo kristins dil wetim olketa rabis fasin wea spoelem olketa nara pipol?

Yawe hemi talemaot finis long yumi olketa gudfala samting wea hemi laekem tumas fo yumi duim. Yumi mas falom stretfala wei, an barava lavem pipol an tinghevi long olketa, an hambol an frengud wetem hem hu hemi God blong yumi. *Micah 6:8*

Kristins mas no stap kwaet bat olketa mas tokaot aegensim olketa rabis fasin wea save spoelem olketa nara pipol. An olketa kristin mas mekem disfala samting wetim lav an piis blong God fo evriwan an evrisamting.

4. Hao nao kristins bae save luksave wat nao hemi stret and wat nao hemi rong?

An taem hemi kam, bae hemi somaot klia long olketa pipol long disfala wol wea olketa garem rong tingting abaotem hu nao hemi mekem sin an abaotem hu nao hemi stret long ae blong God an abaotem hu nao bae God hemi jajem. *John 16:8*

Holi Spirit nao bae hemi som fo olketa Kristin wat nao hemi stret an wat nao hemi rong tru olketa tising long Baebol an gudfala tingting blong kristin. Nomata hem gud fo herem gud tising blong olketa nara kristin wea grou strong insaet long Jisas, hem barava gud an seiffo kristin mas olwes folom wanem Wod blong God an Holi Spirit blong hem talem.

5. Hao nao fo kristins save long wil blong God?

Yawe hemi gohed fo lidim olketa pipol long wei wea hemi stret, an hemi gohed fo gadem olketa pipol hu hemi hapi long wei blong olketa. *Pslam 37:23*

Kristins mas askem gaed from Baebol, prei an askem gaed from olketa nara kristin wea grou strong insaet long Jisas.

6. Hao nao fo olketa kristins iusim olketa risis an selen blong olketa?

Bikos ples wea risis blong yu hemi stap long hem, long ples ya nao tingting blong yu hemi stap long hem tu. *Matthew 6:21*

Bihaien olketa baem nids blong families blong olketa, olketa man and woman wea folom Jisas sud iusim selen blong olketa for goaot an talemaot gospel blong Jisas an blessim olketa narafla pipol.



LESON 8 - WAT NAO MINING BLONG LAEF?

1. Wat nao mein blesing blong kristin taem hemi kamap memba long kingdom blong Jisas?

Bikos taem eniwan hemi stap long wei blong sin, wejis blong hem nao dae. Bat from yumi joen wetem Jisas Kraes Masta blong yumi, God hemi givim fri nao disfala presen long yumi, wea yumi save garem laef wea hemi no save finis. **Romans 6:23**

Barava bigfala blesing fo kamap memba long kingdom blong Jisas nao disfala gif blong itenol laef.

2. Wat taem nao itenol laef hemi stat?

Jisas hemi talem hem olsem, "Mi nao mi givim laef long pipol an fo mekem olketa laef baek moa. Eniwan hu hemi biliv long mi, nomata hemi dae, bae hemi save laef olowe nomoa. **John 11:25**

Itenol laef hemi stat long semtaem wea man hemi biliv an akseptim Jisas Kraes olsem Sevia blong hem. Olketa save dae bat olketa bae no lusim itenol laef blong olketa.

3. Wat kaen laef nao Jisas laekem fo iumi mas garem distaem?

Man hu hemi stil, hemi kam nomoa fo stilim olketa sipsip an fo spoelem olketa an fo kilim olketa dae. Bat mi ya, mi kam fo mekem olketa garem tru laef, an disfala laef hemi fulap long evri gud samting. **John 10:10**

Jisas givim yumi laef wea hemi fulap long blesings.

4. Long wat taem nao bae Jisas hemi ristorem baek ful kingdom blong hem?

Yumi mas duim olsem, bikos God hemi somaot finis kaenfala lav blong hem fo sevem evri pipol long wol. 12Kaenfala lav blong God ya, hemi tisim yumi fo lusim olketa wei wea hemi no stret long ae blong God, an fo no falom olketa ravis tingting blong disfala wol. Yumi mas somaot barava gudfala wei long laef blong yumi, an yumi mas duim evrisamting wea hemi stret an hemi mekem God hapi long yumi. 13Yumi mas gohed olsem taem yumi weitem yet datfala De wea yumi biliv bae hemi kam. Long datfala De, Jisas Kraes hu hemi bikfala God an Sevia blong yumi, bae hemi kambaek wetem saen blong bikfala paoa blong hem. **Titus 2:11-13**

Jisas bae ristorem baek ful kingdom blong hem long mektu kambaek blong hem.

5. Fo olketa kristin wea putum trast blong iumi long Kraes, hao nao iumi sud lukim safaring long disfala wol?

An wanem hemi kamaot long smol trabol wea mifala safra long hem fo lelebet taem ya, hemi bikfala samting tumas winim disfala trabol ya. Mifala bae kasem nambawan laef long heaven, wea hemi no save finis. **2 Corinthians 4:17**

Nomata safaring barava nogut tumas long yumi, hemi no olsem riwod wea Kraes hemi redim fo yumi.

6. Dae hemi olsem wanem ya?

Bihaen Jisas hemi talem olketa samting ya, hemi sei moa, "Fren blong yumi Lasaros hemi slip finis nao, bat bae mi go fo wekapem hem." **John 11:11**

Jisas kolem dae long slip nomoa ya. Dae hemi no tekemaot itenol laef from yu if yu biliv long Jisas.

7. Wat kaen hop nao kristin bilivers garem bihaen olketa dae?

laek fo talem wanfala samting long yufala wea hemi bin staphaed. Bae yumi no dae evriwan ya, bat taem yumi herem disfala las trampet hemi krae ya, bae yumi evriwan i sens go kuiptaem nomoa. Ya taem disfala trampet hemi krae ya, God nao bae hemi mekem olketa hu i dae finis fo laefbaek moa an stap olowe nao. An yumi hu laef yet, bae yumi sens tu. **1 Corinthians 15:52-53**



Long mektu kambaek blong Jisas, bae hemi kirapim baek olketa kristins wea olketa dae an biliv long hem.

8. Hao nao olketa kristin wea biliv long Jisas sud stap long wol distaem?

Yufala mas hapi olowe, 17an yufala mas prea long enitaem nomoa. 18An nomata wanem hemi hapan, yufala mas talem tengkiu long God. Olketa samting ya nao God hemi laekem yufala fo duim, bikos yufala stap joen wetem Jisas Kraes.

1 Thessalonians 5:16-18

Kristins yumi sud stap hapi olsem olketa wakaman and wakawoman blong Jisas an gospel blong hem.



Disfala peij hemi fo yu save raetim eni samting yu lanem long disfala stadi

Pijin Version Produced by
Jeremiah Lloyd Dauara
Copyright 2022

